

鄒忠介公奏疏

鄒忠介公奏疏序

憶幼時侍先祖尚寶玄臺公竊
見吉水鄒南臯先生所寄手書
牋扇字體欹勁頗類鍾與無
一語效世俗寒溫直落 寫其
見道格言與憂時讜議耳尚寶

歿十餘年先生出山爲大僚卒
中時忌歸旋經逆閹褫奪至

今上初乃復職謚忠介茲刻鄒忠

介公奏疏則閩中林六長氏爲
評較以公之天下者也嗟夫士
當年少氣盛時排闥慷慨痛論

當世得失易爲耳及再起冷局
或懸美秩致之輒爲所動已而
田間日久驟晉九列斯時一身
名位無可復加而子孫世廕之
戀_七又填胸起矣忠介公三黜
不懼百鍊彌剛其通籍而卽上

疏也與尚寶公先後同上疏而
爲江陵首輔糾奪情也與吾鄉
吳復庵趙定宇兩宗伯同起爲
吏部而侃侃爭職掌也與吾鄉
顧涇陽太嘗同退而閉門讀易
糾全人課性命也又與涇陽及

先祖同及再出爲總憲而預折
逆閹之萌力扶善類之胙也又
與吾鄉高景逸司馬同是何公
生於江右數千里之外而虎嘯
風生蟲鳴螽躍輒與吾吳中群
賢有不禰而孚之感也且茲人

子之于親與人臣之于君名義
並重無可遷就緣飾以徇吾一
人之私而拒人于頰舌江陵之
輔幼主也不可謂無功而假兩
宮之牽留忍墨纒而秉軸蠅頭
舐血氣已不揚事何繇辦况其

殺賢妄殺豺聲已振公之所爭
豈徒在跬步之伸詘端欲以李
夷簡文彥博望江陵耳江陵之
目尚蒙而公之首已甘碎矣天
眷名賢頻蟄頻奮內絕奧援外
斷黨附初而江陵以專橫爲籍

脅旣而他輔以芴落爲彌縫駟
致

光

熹間更以清明伏晦蝕公三立其

庭局三變而公自如至讀昭昭

靈靈青山啼鳥一疏
案每爲之

掩卷徬徨所謂薑桂之性至老
愈辣且深識遠計有吾鄉與應
山桐城數君子所未逮者故予
謂公洵昭代之第一完人也先
後有兩忠介一爲瓊崖之海一
爲公海公自部曹一疏繫獄後

甫脫棘園卽晉棘座巖_上之氣
不變而宇內望之自目懾氣奪
惟公不然望傾蠻貊而位仍下
僚乍歷銓諫而旋淪冗廢譬之
江河其噴薄奔赴同而瞿唐直
下之勢與九曲之混茫殊譬之

松柏其鐵幹霜皮同而叅天拂
雲之色與磊砢有節目殊其同
者性也其同而未始不殊者遇
也海公爲先尚寶師公爲友風
流所被穆乎遐思六長氏以詩
名家顧其標尚如此杜陵忠孝

之志彭澤寒泉之痛端於表揚
先詰中可想忠介疏艸菽天壤
不磨卽六長與之俱永矣

崇禎辛巳九日武進通家後
學薛案序

鄒忠介公奏議序

吉水鄒忠介公奏議海內率有

箴本閩士林君銓裒而梓之凡

若干卷子龍讀而嘆曰大賢之

生無古今其用舍殊者時為之
也在昔皋稷伊傅之臣人主用

之乂於其位遠者百年近者數
十年道行於當時澤流於生民
至其君臣相與告誡之言則史
臣錄之以示來世今之謨訛是
也警懼戒勉之辭磨切其君者
至深至切自非聖哲之主孰能

廓然無我尊信其道而不使小
人與其間哉後世之君其好賢
樂善非不如古也唯惡薺已過
而安於晚近惡聞已過則苦君
子之嚴正以為翹其失安於晚
近則以君子之論為希濶而難

行況又有小人者從而媒孽之
君子嘗進用矣覺其難合則去
之已而見思亦嘗再用矣若曰
彼困衡之久或能姑從我亦云
可使乎既至而如故則終去之
是以三代而後君子每不獲用

即偶用而不獲久夫王之貴者
溫而貞也鳳之瑞者文而威也
使玉必去其貞而登席鳳必減
其威而巢閣則何異於碻砢山
雞哉而世每不悟可慨也已公
自結髮登

朝即劾江陵公起復非禮杖戍黔中越五年

顯

皇帝親政錄言者拜公為諫官居一歲復以言事罷當是時吳門婁江四明山陰相繼執政公嘗一起為吏部郎亦隨以遷去

自是栖遲林臯者三十年

貞皇帝即位詔起公田間而

愆皇帝承先志拜公為大理卿為

少司寇以至御史大夫大用矣

然亦竟不乂其位以去夫公歷

三朝垂五十載始終一節天下

觀其進退以為治亂雖位登九
列而計其前後立

朝不滿數載何用之之難而舍
之之易也夫以公之純忠一德
道術通明使人主乘壯盛時置
於寅亮之地責以輔弼之任則

必能彙升衆正咸熙庶績以尊
本朝萬曆之末可無囂凌廢弛
之患及公之既老使能置之三
公論道之位皤々黃髮日與人
主起居則天啓之際奸人近倖
尚有藜藿不采之忌而不敢亂

政而乃前厄於絳灌後阻於弘
石至不能一日安於交戟之下
嗟乎難進而易退者君子之節
也文與而實不與者狐疑之情
也陽推而陰排者讒間之口也
夫以譎詖之說中不固之心而

以撼欲去之士此何異秋颺之
於隕籜哉易曰比之匪人不利
君子貞此如桑中之疾栢舟也
彼其為說曰是迂遠不近情非
今可用夫夫也又私釣名而歸
過於上夫迂遠者人主所不急

也。歸過於上，其所最忌也。是故浸潤易行，今公之封事具在，方其為諫官，吏部則以持大體，崇吏治，寬民力為本。至於

熹宗之時，天下多事，公為大臣，則勸以勤學，遠佞拔不羈之才，收

度外之士若其推賢讓能自少
至老孜々不倦蓋忠愛之至因
時所急以期有益於國此豈迂
遠難行翹君以自為名者哉夫
公之章奏謨訕之亞也格人元
龜非一世之用

神宗

熹宗知公不可謂不深而小人害之未竟其用

今天子既錫公贈謚大顯崇矣使搜故府之牘倘乙夜之覽庶幾用公之遺言而求如公之人則

公雖歿而道益彰是編安可少
哉

華亭後學陳子龍撰

題疏草

秦急求歸所以挽計事真情

也乃得以學故得乞歸予心暢

然涂遠友人過而曰子兀上寒

危久出而罔摘於世得志移宿
編景欽弔忙世以應檢笥中
教輩付之空觀張曰此是
青山世美與子攜手同歸可

矣世室用永遂禘于天子手

壬子季冬鄒元標題

叅較姓氏

潮陽吳仕訓

吳興周仲璉

慈谿馮元仲

海上何剛

嘉興沈嗣選

候官陳元綸

甯熟孫永祚

四明萬泰

淮陰陳台孫

嘉興陳恂

福安劉中藻

慈谿馮元颺

長洲李楷

閩中陳肇曾

古吳葉襄

嘉興徐肇森

海昌查繼佐

長洲錢位坤

錢塘姚奇胤

慈谿馮元颺

候官張利民

虞山瞿玄錫

嘉興陳恪

武水錢旼

南昌陳弘緒

西湖吳山濤

虞山孫魯

慈谿馮京第

秀水鍾欽立

嘉興黃濤

甯熟錢孫愛

仁和卓大丙

候官林元震

鄒忠介公奏疏目錄

卷一

論輔臣回籍守制疏

吏部起用覆疏

附

直抒膚見疏

都察院覆疏

附

復言官以重國體疏

酌大臣進退疏

推廣德意以澤蒼生疏

刑部覆疏

附

敬采輿論共推士品疏
嚴加修省以答天心疏
恭陳下悃懇乞改南疏
爲吏部堂上應詔陳言疏

卷二

中途患病不能赴任疏

敷陳吏治民瘼疏

戶部覆疏

附

小臣獻忠疏

乞改南疏

乞回籍疏

吏部覆疏

附

懇乞休致疏

吏部覆疏

附

給繇比例疏

卷三

天恩俯容休致疏

國事甚危敬陳膚見疏

續陳末議疏

乞嚴明振作以救臨危疏

直陳當日公議情形疏

敬陳大獄情繇疏

都門勢孤敬陳一得疏

陳明法守疏

熱審乞勅諸臣視事疏

乞恩卽行開幽之典疏

集議遼餉以濟民水火疏

敬陳愚悃疏

直陳黔省夷情疏

上內閣書

附

卷四

辭免憲職疏

到任謝恩疏

陳愚悃以襄計典疏

大敵在門宜先安戢疏

鄒忠介公奏疏

城守事宜疏

陳膚見以挽頽波疏

因患思防以衛都城疏

奉旨集議遠東經撫疏

計議經略疏

奉旨叅處回話疏

奉旨回話疏

重巡視以肅皇城疏

覆方御史報滿疏

申飭考滿事宜疏

捐俸疏

闡幽拔茅疏

乞蚤成信史疏

懇矜愚容直疏

卷五

懇垂念貞勞臣工疏

正臺規以一法守疏

叅處道臣以肅法紀疏

陳腐見以備廷議疏

會議覆奏疏

覃恩乞實授疏

救郭中翰疏

陳共學之原以定衆志疏

左副都御史馮從吾疏

附

大學士葉向高疏

附

懇賜歸田疏

左副都御史馮從吾三疏

附

左僉都御史鍾羽正疏

附

再懇天恩早賜骸骨疏

左副都御史馮從吾四疏

附

直陳真情苦情懇容休致疏

又附大學士葉向高疏

五懇生還疏

萬分苦情再乞生還疏

謝辭疏

去國陳悃疏

鄒忠介公奏疏

吏部尚書趙南星疏

附

鄒忠介公奏疏目錄終

鄒忠介公奏疏卷之一

吉水 鄒元標 著

慈谿 馮元颺

長洲 徐 汧

虞山 趙士春 全較

清江 楊廷麟

侯官 林 銓 評閱

論輔臣回籍守制疏

刑部觀政進士

臣于九月二十六日聞輔臣張居正父喪三

疏乞恩守制

皇上三畱之爲居正計者必再疏懇之

皇上皇上不聽計哀求之而已何求歸之情
未切暫留之疏遽上臣讀此疏涕泗交流臣
一介草茅跼伏圭竇恨不躬逢聖明沐浴膏
澤今幸蒙收錄入仕未幾目此大故嗟嗟臣
也生何不辰卽欲竭盡血誠冒干天聽自惟
涉世未久諳練未深不敢呶呶自取越職蓋
冀當言責者有言也今當言責者不惟不言

且乞畱矣。臣復默而不言。三綱淪。九法斁。日被冠裳。無異禽彘。敢置身斧鉞。披瀝爲

皇上陳之。臣聞天生民不能自治也。立君治之。君不能獨治也。爲相佐之。相也者。一人之身。而社稷綱常所攸賴者也。必置身於綱常大道之中。而後朝廷服。萬民懷。一有不善。議其後者。如蝟毛而起。孔子曰。苟正其身矣。於從政乎何有。不能正其身。如正人何。此之謂也。今觀居正之於父也。憑棺淚奠。未盡送終之

禮在京守制。尚貪相位之尊。果能正身而正人耶。不能正身而欲正人。爲居正計者。不可一日而不去。

皇上爲居正計者。不可一日而留矣。居正不去。天下人所共知也。

皇上畱之者。豈以其有利社稷耶。然不知居正之在位也。才雖可爲學術。則偏志雖欲爲自用。太甚。諸所設施。乖張者。難以疏舉。姑舉其最著者言之。一曰進賢未廣。詩曰。菁菁者莪。

樂育材也。故聖世士羈美而官材茂。今則不然。先朝各郡邑進學數十人。居正任事。限郡邑不過十六七人。是阻進賢之路也。無論他郡邑。臣鄉先朝每科聯登科甲者數十人。今限有定數。是郡邑有可以登科甲者。不可以遊黌序矣。夫豪傑之徒。非有衣冠維持之。不羈之才。必有所逞。迄今怨號之聲。遍于江南。此其遺禍何如也。二曰決囚大濫。書曰與其殺不辜。寧失不經。故好生之德。洽于民心。今

則不然、先時決囚、初無定額、居正任事、限各省決囚有定數、以致首鼠私竄者、欲盈其數、以免罰、有濫及無辜者矣、夫決之先歲者、足以示懲來歲、其數無異、則雖有自新者、其道無繇也、三曰言路未通、古先盛世、艸茅賤士、農工商賈、皆得竭智盡力、居正任事、大臣持祿不敢言、小臣畏罪不敢言、誠有之矣、折繡檻於彤廷、投忠肝於玉陛者、未之見也、間有憂關國計、慮切民瘼者、欲抵掌而談、當世然

不先稟命。有今日陳之。而明日罹罪者矣。豈
盛世所宜有哉。四曰。民隱未周。臣先歲北上。
觀黃河泛濫。漂沒爲魚者。不知凡幾。僅有存
者。架蒿爲巢。啜水爲餐。目及至此。心慘魂飛。
夫被水潦如此。被旱魃爲災。可知矣。黃河如
此。環四境以外。可知矣。有司不以奏聞。恐干
大臣德政。以致展轉溝壑。提妻挈子。散之四
方者衆矣。

皇上深居九重。漠然不知此居正之罪也。其他

用深刻之吏阻豪傑之才。又不可枚數者矣。卽使有利社稷。猶大壞綱常也。況無利社稷。若此而可畱之耶。抑豈以居正旣去。天下事難以支耶。不知居正在位之時。我國家法度。維繫民心者久。我

祖宗德澤。聯屬民心者深。況在事諸臣。濟濟後先。非居正力所能獨運也。居正去位之後。其德澤法度如故也。天下人豈盡出其下哉。豈盡無所補哉。臣伏讀

皇上諭曰、朕學尚未成、志尚未定、先生旣去、前功盡棄、

陛下言及至此、宗社無疆之福也、雖然、學固未成矣、弼成帝學者、未可謂在廷諸臣、無人也、志固未定矣、輔翼聖志者、未可謂在廷諸臣、無人也、居正丁憂、可挽留之、居正脫有不測、陛下之學將終不成、

陛下之志將終不定、耶、此臣所未解也、

皇上以英明之資、御曆五稔、人皆曰將興堯舜、

謠言謬
不慮撓鱗

之道。三王之功矣。以居正而在京守制。天下後世。謂

陛下何如主。綱常自此而壞。中國自此而衰。人心自此而弛。居正一人不足惜。後世有攬權戀位者。輒援居正故事。甚至窺竊神器。貽禍深遠。難以盡言者矣。昔古之碩輔元宰。措則正。施則行。建光明俊偉之業者。無他。上下交相信也。今居正冒喪而議國事也。天下之人皆曰。居正不孝而固寵也。居正不孝而廢爵

祿也。居正不孝而擅權也。雖有設施誰則信之。居正之心必曰天下之人議我不孝而固寵也。議我不孝而廢爵祿也。議我不孝而擅權也。下稍有不從禍流搢紳天下以是疑居正。居正以是疑天下。上下交相疑而禍不日深者未之有也。甚哉居正不可留此位。彰彰明矣。臣又揣居正之心矣。臣觀居正首疏云有非常之人然後辦非常之事。非常之事非常人所能辦也。是其心蓋曰起復非常事也。

吾非常人也。吾而當此。誰則議之。自臣觀之。人有五常。仁義禮智信是也。力此五者。斯謂之非常之人。今有人于此。親生而不顧。歿而不葬。指而名之曰非常人也。然人不曰殘忍。則曰薄行。不曰禽毚。則曰喪心。可謂非常人乎。且其疏又曰。不顧旁人之謗議。遑卹匹夫之小節。非病狂喪心。有此言哉。一家非之不顧。一國非之不顧。天下非之不顧。謂理之所在。則顧理而不顧衆論也。三年之喪。無貴賤

一也。旁人謗議是乎。非乎。尾生之信。孝已之行。陳仲子之廉。小節也。三年之喪。無貴賤一也。果可謂小節乎。又曰。道路無不爲臣。酸鼻此其欺罔。猶不容言。居正未聞喪之先。天下逆覩其奸。旣畱京之後。天下深恨其非。臣登刑堂。遇各司曹。出刑曹。接諸冠裳。各垂首喪氣。一目三嘆。切齒含憤。有不忍言。酸鼻者誰乎。

皇上大婚。固大禮也。居正以被經罪人。欲襍乎

以忠孝責
執政我朝
代有其人
弟進士建
言如公者
少矣

其間何心哉。蓋欲諄示來世以居成功耳。宋臣文天祥當南渡之日。猶送親歸塋。當此清朝。豈南渡之時耶。先朝李賢奪情起復。羅倫力排斥之。居正之不歸。蓋無情可奪。無復可起。又非賢之儔矣。大臣聞喪而不去。小臣必有匿喪而不報。固所必致也。嗚呼。父子天性。其恩罔極。事父如此。事

皇上可知矣。先正曰。求忠臣於孝子之門。遺其親而忠其君者。未之有也。抑臣猶有深恨焉。

如見肺肝

國家以言路付之臺省。事關綱常。悉陳無隱。默而不言。猶謂曠職。臣覩湖廣道監察御史曾士楚一本。爲保留輔臣事。臣不勝驚愕。謂公論倒弛。一至于此。徐察之。各道御史有毅然中止者。士楚悍然不顧。私自上請。此其心豈真爲社稷計哉。蓋曰。輔臣本欲留也。不肯留之。其功不高。身首留之。輔臣德我。德我不數年。公卿立至矣。此士楚心也。夫今日上疏留輔臣者。曾士楚也。臺臣倡之。明日上疏留

如士楚者
尚有其人

輔臣者。陳三謨也。省臣效之。朝廷爲首善之
地。臺省係公論之所。論及至此。可勝言哉。所
幸者。公卿大臣。挺然中立。未有留疏。然因此
而遷去。又不常矣。邇其原士楚先之士楚有
三年之愛於其父母乎。臣忠悃如此。臣言可
採。亟斥輔臣。速歸守制。侍制滿之日。另行起
用。則綱常正而人心服。朝廷尊而天變消。萬
世仰

聖天子作爲。出尋常萬萬矣。居正學尚刑名。見

鋒然有聲

臣此疏禍臣必深、臣萬萬死矣、蓋非嚴刑督責、以箝天下之口、則攻之者愈多也、噫、臣其爲妾婦、自愛其生乎、堂堂丈夫、不忍爲妾婦也、碎首玉階、奚憾哉、

萬曆五年十月二十四日奉

聖旨、鄒元標這厮狂躁可惡、但上疏在前、未見昨日諭內、大議姑著、炤艾穆例處治、以後再有迷頑不悟的、必遵

祖宗法度、寘之重典、不饒該衙門知道

附

吏部尚書臣楊博等爲議處起用官員事。文選清吏司案呈。奉本部送據江西布政使司咨呈。起送原刑部辦事進士。今起用鄒元標到部。送司案呈。先該四川道監察御史孫繼先題建言遣戍進士鄒元標。乞循資錄用。該本部覆議。候行取到部。隨大選除授部屬。奉聖旨是。欽此。又該陝西道監察御史楊四知題稱進士鄒元標。忠言蒙禍。投竄零丁。六年萬

里百歠一生。茲奉召還，乞查紹弘治時事例，置之臺諫，必有補益，奉

聖旨，鄒元標著吏部查有相應員缺，卽與除授，不必候大選。欽此。查得大明會典內一款，凡給事中有缺，舊皆類選後，止于進士內年三十以上者考選奏補。欽此。及查鄒元標年三十三歲，江西吉安府吉水縣人，中萬曆五年進士，本年十月奉旨謫戍，十一年正月奉欽依起用。又查得缺吏科給事中一員，通查案

呈到部、看得進士鄒元標、危言正論、忠議凜然、置之諫職、允合輿論、况謫戍遐荒、困衡已久、奉旨卽與除授、似不必又行考選、欲將本官除授吏科給事中、恭候

命下、行令到任管事、

萬曆十一年八月十二日奉

聖旨是

羈思慘然

○直抒膚見疏 時吏科給事中

臣投荒萬里。母子睽隔。伶仃孤苦。日濱九死。甘瘞骨窟穴巖藪之中矣。廼荷隆恩。拔之沉淪。復齒縉紳。臣將毋北征。期霑升斗以供菽水。復何他覲。不意

陛下俞臺臣之請。授臣以給諫之職。拜命以來。廩廩未能稱職。是懼已。思學貴經世。言貴適用。時當有事。緘默自持。是爲曠職。時當無事。激切自許。是爲沽名。今乾綱獨斷。聖政一新。

所在懷忠良。抱經濟者。搜自巖穴。卽杜口不
爲取容矣。且臣少承嚴父之訓。長遵師友之
學。知悻悻者徒小節。而激切者闇中和。深自
懲創。恐負明訓。敢嘵嘵自多哉。听夕循省。念
職事不可久虛。隆眷不可徒負。不避狂瞽。敬
瀝百一。夫談天下國家之事。在握其要。得其
要。則衆政畢舉。不得其要。興一政。釐一弊。亦
徒竭精神已爾。史稱堯舜之知。在急先務。矧
知不若堯舜者。能役役爲天下用哉。故臣之

所談其要惟在培君德、新臣工、肅憲紀、崇儒術、飭撫臣、瑣屑細微之事、概不敢以瀆聖聽、嶽嶽高山、不讓飛埃、蕩蕩洪流、不屑涓滴、惟陛下以臣言爲飛埃涓滴、畱意而詳擇其中、臣不勝大幸、臣聞人君宰制萬物、役使羣動、必有握其樞者、心是也、心體至大、丕冒乾坤、心體至靈、同符二曜、或失其體者、何哉、欲累之也、欲在奸聲、淫蛙雜遝、心以聲移矣、欲在亂色、柔曼爭進、心以色移矣、欲在口腹、甘旨並

陳心以味移矣。幾有可間。左右得而間之。隙有可乘。嬖倖得而乘之。其機始于微眇。其禍至于尋丈。堯舜致兢業之防。詩書紀危微之訓。故能保世滋大。

陛下履恭隆之運。何求不得。際鼎盛之年。何欲不遂。求必得。則人欲日滋。欲必遂。則天理日微。聖學從茲荒矣。孟軻氏曰。養心莫善于寡欲。宋儒周敦頤曰。無欲則靜。虛動直。明通公溥願。

陛下味孟氏寡欲之明訓、遵敦頤無欲之格言、
研幾于聲色臭味之間、致謹於視聽言動之
常、居處有時、無以閒居幽獨而有惰容、行幸
有節、無以血氣方剛而有銳心、此匪獨養德
已也、卽養身亦在其中焉、精用而不已則竭、
形勞而不已則敝、無欲則形充、形充則精固、
而身可長保矣、戊寅歲、臣在戍所、邊民自京
師來者、道

聖母還宮時、惓惓以

辨忠介公奏疏

聖躬爲念、邊民無不舉手加額、謂

聖母至仁、

陛下至孝、

陛下身安、則

聖母之心亦安、

聖母心安、

陛下之孝亦大矣、漢臣汲黯云、內多欲而外施

仁義、奈何欲效唐虞之治乎、偉哉斯言、萬世
人君之龜鑑、寡欲明訓、誠今日養身養德、急

務首願

陛下朝誦而夕惟之也。君臣之分，森若冠履。手足腹心，實爲一體。下每願忠于上，上之不達，上每求忠于下。每苦下之不誠，此亡他堂。陛勢懸而情意間隔故也。二典三謨，治化隆盛，都兪吁咈，猶可想見。易之繫卦，上天下天，則爲泰。上天下地，則爲否。否泰之機，明良之義，其所繇來者遠矣。臣往閱三朝聖諭錄，天順日錄，迨我

明忠介公奏疏

孝宗敬皇帝

世宗肅皇帝朝、君臣相與、歡若家人、煦若父子、或用一人而互爲可否、或行一事而曲爲調停、父老傳之、史冊載之、以爲盛事、

陛下昔在冲年、係傳必慎、聖齡日強、臣愚以爲有大政事、如人才、錢穀、禮樂、兵戎、刑獄、工作、宜召內閣九卿、侍從儒臣、面爲揚摧、許科道官旁爲糾正、何者、

陛下所閱者、諸臣章奏而已、其繁委可厭也、召

對必能陳說利弊、開道禍福、不事繁文而庶
政惟和矣。

陛下所接者、諸臣儀容而已、其人品未知也、召
對必能洞燭忠邪、鑒別才品、卒然有警而任
使、惟當矣、宣上意而達下情者。

陛下內臣而已、過情溢言未必真也、召對則讒
間不行、猜忌不生、上下交而其志同矣、或以
御門有常、亦足致理、言之雖美、窒礙難行、臣
憶

謝忠介公奏疏

文皇帝在右順門諭近臣云、早朝奏事、不得盡言、午後事簡、卿等得從容陳說、朕亦欲及時商確、英明神斷、如

文皇帝、豈顧不自暇自逸哉、以爲不如是、不足以盡群情而登上理也、武英殿

祖宗朝召見大臣、裁決庶政之所、

陛下一旦鼎新、搢紳之所揚誦、閭巷之所傳播、皆以、

陛下銳然復

祖宗朝故事。今大工已就。宜筮日舉行。召對盛
典。或先行經筵始。摘一二事與大臣諮詢。則
上之志日下達。下之情日上孚。聖心日益開
明。聖政日益廣大。

列聖明良相與之盛事。亦于今重光矣。民財告
匱。饑莩相望。譚者曰。有司之不職也。有請嚴
懲貪吏者。其說甚具。臣則以爲憲紀之未肅
也。拊循統馭。職在有司。秉憲揚休。責在臺省。
苟得其人。持身奉法。則吏畏民安。不得其人。

依阿湏湏。則吏隳民殘。伏覩明旨云。科道官須心術純正。奉公砥節。無踵弊套。大哉皇言。下燭窮蔀。第弊端所在。

陛下隱而未發。臣請得而竟之。省之職。職在封駁。其有隳節敗度。戕法徇私。臣等共相交勉。以圖報塞。第供奉輦轂。依邇天憲。廼臺臣弊。則可爲長嘆息焉。昔薛瑄在朝。三楊一見。且不可得。而屈其節。概足徵也。出巡三楚。政暇。惟手抄性理。其清操足覩也。一時人物淳龐。

臣思及此。未嘗不灑灑毛豎。先年一二臺臣。昏夜乞哀。冠裳埽地。剝生靈脂膏。以媚要津。竭公家庫藏。以充私囊。折儀千萬。視爲簞豆。郵使絡繹。迹遍列省。贖鍰不足。佐之公帑。公帑不足。托之郡邑。承順者輒曰辦事。薦揚之。恐後。拂志者輒曰無爲。彈罷之。恐遲。財在天。地。止有此數。用之者旣如泥沙。取之者又安得不盡錙銖。上有盜竊之行。則下又安得有自殖之民。無惑乎杆軸空虛。而饑餓者衆也。

今日流弊
何嘗不然
說到舉劾
兩字三代
人心不可
復見矣

解題介公奏
迹之所履者大貪大惡而其所劾者小貪小
過其不反唇相譏者幾希此豈可持繡斧立
百職事上耶不待識者憤懣亦諸臺臣所甚
惡者有臣如此將焉用之往事雖無足論迄
今不爲嚴戢源不止而末流益濫矣臣叨在
班行見臺省諸臣濟濟蹒蹒極一時之選其
志必欲以激濁揚清爲職以忘身奉公爲念
臣願

陛下渙德音下明詔召內閣大臣直書弊端做

人臣大病
吳甚於異

正統宣德年間勅諭事例、懸之臺省、以垂永鑑、臺中奉差諸臣、不患無才、患身不正、而威令弛也、回院考察、惟以砥節者爲上、仍將憲綱事例、重爲糾正、如餽遺所不免者、揆之道義、無溢常度、牌坊所必建者、關係風化、無得概施、操守端則憲紀肅、憲紀肅則羣吏畏懼、雖有貪黷者、且將聞風而靡、從化而流矣、貨財不聚、民生不遂者、未之有矣、或曰、臺省情親、義無異同、臣竊謂純心爲國、雖相爭如虎

同之見讀
公數語可
割藩籬

不害其爲同。華華爲利。雖情係骨肉。不害其
爲異。臣言雖異。臣心則同也。且業已稱爲朝
廷耳目臣矣。目者謂其無所不見也。一芥眯
目。天地易位矣。耳者謂其無所不聞也。微塵
塞耳。鐘鼓弗聞矣。耳目之官不清。而欲糾羣
吏之貪酷。拯生靈之休戚。是借聽于聾。求視
于盲也。國初使御史巡行郡縣。我

太祖諭之曰。爲治以安民爲本。民安則國安。當
恤民疾苦。據法守正。未有公帑空虛。而民得

安者亦未有昏夜乞哀而謂之守正者臣故
曰憲紀之當肅也仕者突梯滑稽脂韋絜楹
歡若管鮑陰相排擠臣不以爲憂臣所憂者
學術未明而儒道大詘也儒道大詘始于上
之摧剝而法令行也常州知府施觀民糜費
民財私勑書院毀之誠是矣廼概將先賢遺
迹一概折廢臣不知其解也彼敢于蔑先聖
之道者不過惡聚講假僞學以箝天下之口
耳孔子大聖尚以學之不講爲憂天縱聰明

如

陛下日講有常經筵不輟卽仁聖豈加於孔子而睿知豈出于

陛下者哉宋真宗錫九經于州縣學校矣尤及聚徒講誦之所聚徒講誦自古已然未聞概以僞學斥也天之生才囿于所稟資有純駁故功有真僞百僞之中得一真焉亦足以維世道匡頹風因僞棄真是因沙廢金因噎廢食矣佛老之道異于孔子習其說者焚香頂

禮千百爲群、琳宮梵剎、遍滿郊垌、士誦法孔子、譚說詩書、欲將先聖流風、漸滅殆盡、亦忍矣。天啓聖明、將宋儒白鹿石鼓等書院、不許概棄、是

陛下且欲衛先聖之道、以詔來茲、雖然、豈謂我朝人物出宋下哉、

祖宗菁莪樸棧、作人者深、諸儒漸仁摩義、特立者衆、如薛瑄、陳獻章、羅倫、王守仁等、先後以理學名者、不下數十人、裊躬垂訓、宛然濂洛

家法未可謂國無真儒也。今儒風不振久矣，上之所禁，下之所避也；上之所作，下之所效也。上不鼓，不趨；教不振，不從。臣愚以爲凡所拆過書院、先賢遺蹟，宜勅禮部令郡邑或概議修復，或量爲調停，雖未必真儒輩出，然使天下曉然知

陛下崇儒重道盛心，學術從此而出，士習從茲而端，未可知也。宣德初，大理卿胡樂請修整胡瑗魏了翁書院，卽諭工部尚書吳中曰：崇

名賢於既往、正以獎後進於將來、宜從所請、載在實錄、斑斑可考、史書載循良傳、至勸學興文、未嘗不艷稱之、矧

陛下舉動上法

祖宗、炤耀史冊、傳之天下萬世、其關係詎小哉、臣故曰、儒術之當崇也、水旱頻仍、災異繁興、列在奏牘、亦既爛然、蠲恤之詔屢下、閭閻之困愈甚、此其故何歟、臣以爲其機不在朝廷、而在撫臣、古人得百里之地、亦足以使富強、

灼見得到
責備非苛

何至擁一方重鎮而使民皇皇若是哉國初
出鎮大臣命之曰撫者謂其拊摩鞠育與生
民安養休息之謂也匪欲樹奇功博崇名已
也古之名臣出而填撫也惟悶悶自持不煦
煦以求知地方饑饉有勸富戶出粟活民無
算者有責令有司收撫流移不使散之四方
者絕不以厯宵旰在則民德去則民思先年
二三撫臣冒軍功者糜爛其民雖拜爵受賞
朽骨冤魂叫號春雨秋霜之下者不知凡幾

點頭

二語切中
膏肓

矣。嚴催徵者，敲朴其民。雖考成奏最，刮肉補瘡。啼泣箠楚，縲紲之下者，不知凡幾矣。封疆雖擁乎大僚，書算下同乎小吏，甚至亡而爲有，虛而爲實。人皆曰：干城之器，揮霍之才。生民痛癢，漫不相關。謂撫之義何？雖然，其原始于任之太輕，故也。宋神宗謂文彥博曰：諸道使臣，職任至重，宜擇其人。彥博對曰：爲治之要，無以易此。當時韓范諸臣，皆一時名流。今之巡撫視宋諸道使臣，又爲加重，簡擇其人。

猶懼非才、乃今仕者、一得內補、垂涎京堂、既得京堂、坐列開府、未得如農夫之望歲也、旣得如拱壁之在抱也、患得患失之心重、爲國爲民之念輕、伏願

陛下念斧鉞之重寄、憫生靈之無辜、陞擢惟以直亮端方、廉明無黨者爲主、諸冒濫鑽刺、軟熟可厭者、絕勿使竝進、其見任事地方者、除各邊專理軍務外、如腹裏地方、仍乞勅都察院轉行各處撫臣、須存大臣之體、思撫摩之

義以安養休息爲主。以愛民節用爲本。以正
身率屬爲先。水災地方。其所減征者。猶有田
之民也。有田無立錐。褐無完裳。夕無宿春者。
可念也。古有富戶出粟。活民無算者。其法可
陳也。有笑獨鰥寡。顛連無告。扶持通衢者。可
憫也。古有責令有司。收撫流移者。其義可知
也。闢田里。課農桑。厚風俗。嚴貪墨。古人有行
之者。其意可師也。年終將賑過窮民。撫過流
移。行過事績。造爲成冊。解院。無視爲文具。政

有此一跌
益見精神

確論

安則民和、民和則天地之和應之。雖有水旱不能爲異。雖有災異不足爲憂矣。林聰撫山東大同。周忱撫蘇松常鎮。旱乾水溢。何日無之。然惠流民安。四境晏然。彼其下。豈皆賢百執事哉。撫臣者。百執事之表也。表端則影正。源潔則流清。百執事雖欲不兢兢奉法。不可得也。得百良有司。不如得一賢巡撫。有一賢巡撫。不患無百良有司。臣故曰。撫臣之所當飭也。以裨君德。以弘化理。以振士風。以飭吏

治今日急務、誠莫有大于此者、臣猶有說焉、
今天下如人一身、內如心腹、外如四肢、精氣
消耗殆盡、非倍珍膏、鮮克攸濟、先是世務爲
操切、爭威嚴、以相高、閭里蕭條、無復太和景
象、願

陛下崇厚澤、以培國脈、廣仁愛、以答天心、節財
用以惜民力、酌賞賜以慎名器、親君子則儉
壬日遠、求經史則外好日遷、蒼赤被樂利之
澤、宗社衍靈長之慶矣、生民幸甚、臣愚幸甚、

萬曆十一年九月十五日奉

聖旨這本說的是內事關朕躬的知道了其餘
該部院看了來說

附

都察院廣西道案呈刑科抄出吏科給事中
鄒元標奏前事奉

聖旨這本說的是內事關朕躬的知道了其餘
該部院看了來說欽此抄出到道具呈到院
臣等看得吏科給事中鄒元標奏稱肅憲紀
崇儒術飭撫臣各一節除崇儒術事干禮部
掌行聽該部徑自題覆外其肅憲紀飭撫臣
二事該院職掌相應議覆爲炤御史巡按一

方憲紀攸係、果能潔已奉公、自爾風清弊絕、
先年一二按臣、聞有用賄納交、至滋物議、旋
取敗黜、無容追論、聖政一新、官府肅清、時按
臣未聞有此、但恐德意弗宣、餘習猶染、臣等
正欲申飭、科臣復有此議、合無依議、再行嚴
飭、以後諸差按臣、各務秉公持廉、以振風紀、
激濁揚清、以肅吏治、贓罰銀兩、除解部備賑
外、一毫不得私自取用、以實私囊、亦不許妄
行餽送、以玷名節、若如按屬地方、有交際所

不容已者、但取成禮、不得過豐、坊牌有當建者、間一舉行、不得濫及、違者定行叅論、憲綱一書、刊刻已定、不必再爲糾正、但須着實舉行、至于巡撫專制各省、關繫尤重、然官以巡撫爲名、尤以撫綏爲尚、若徒嚴刻以就功、殊非命官之本意、科臣條議、良爲有見、相應通行、各該巡撫、俱要顧名思義、崇惇大之體、盡拊摩之道、平居無事、則必均戶口、寬徭役、蠲不急之務、去繁苛之令、以爲休養生息之本、

一遇水旱災傷、致有困苦、該省撫臣、卽行司道、司道卽行州縣、或請發倉廩以賑貸、或著行勸借以周給、但使流離之得所、不必盡如所議、措置而不拘于常、每于歲終、仍備查某縣賑過窮民若干丁、撫過流移若干口、著成效者定上考、事虛文者置明罰、因而據實奏報、登簿考成、仍咨吏部、凡遇巡撫員缺、慎擇直亮端方者、方推是任、苟非其人、不許濫及臣等再、炤撫按俱爲一體、舉事不宜同異、卽

如問饋交接等禮。按臣旣當節省。撫臣豈宜
妄施顛連困窮之民。撫臣旣當存恤。按臣豈
忍坐視。再乞天語申飭。皆務樽節愛養。庶憲
紀益肅。撫臣得人。而吏治民生。均有裨矣。

萬曆十一年 月 日奉

聖旨是撫按官以肅吏治阜安民生爲職。都要
正己率屬。着實節省存恤。以副委任。今後如
有仍前沿襲弊套不遵明旨。你都察院并科
道官查實叅來處治。

復言官以重國體疏

吏科

臣待罪該科。于本月二十二日。該吏科等科都給事中等官周邦傑等一本。爲請宥言官以弘聖度事。未奉綸音。臣跼蹐青墀。汗流竟踵。恨馮景隆不深自詳。致觸聖怒。又訟臣等積誠未深。而悟主亡繇也。雖然。有言必盡。有懷必吐者。言官之職也。山藏川納。海蓄淵停者。

聖主之仁也。景隆言是與否。諸臣所以救景隆

莊語可齊
嚴威

列忠介公奏疏

者言甚具姑無論臣所惜者國體耳

陛下臨天下布恩惠納讜言以利安元元爲事
海隅耆老願須臾無死見德化之成一旦有
此處分其于聖德所損不小矧臣等新列言
職或起自稿廩或起自小吏雖作其氣鼓其
趣猶懼不足以塞厚望應明旨今觀景隆以
言去國其不自攝色變者幾希後雖有大奸
蠹大利害誰肯逆盛意犯隆旨盡忠信而趨
闕下者哉天下之事習見者多真傳聞者少

說出主意
乃文之大
關鍵處

實事在輦轂一日之內訛言踵至矧遼海去
金陵數千里哉景隆之失言固可罪而事屬
風聞亦所可原也大凡用人之力者當安其
心志始得以展布四體景隆以成梁故不得
安其位臣等以成梁故不得竭其志成梁爲
大將諸國大體必忸然不能安忸然不能安
欲其緩帶邊陲難矣李漢超爲關南兵馬都
監民有訟其強娶已女及貸民錢不償者郭
進爲西山巡簡使有軍較訟其不法事宋太

祖皆薄譴其人而仍使之聞之夫薄譴其人者所以安將臣之心使之聞之者正欲以達軍中之情說者以爲御將得宜成梁未知視李郭二將何如景隆列在南諫又非軍較可比

陛下旣以薄懲激邊帥之心又以臣等言而復其職其於御將之恩容諫之仁詎不兩得之哉臣一介末品念

陛下以言用臣職在繩糾誼難尸素矧

陛下智同大禹機竝轉圜又非尋常所可測萬
一者哉

萬曆十一年九月

日奉

聖旨已有旨了

酌量大臣進退疏

吏科

臣聞百官之所表儀者、在大臣、而大臣所係以爲世重輕者、在慎仕進之門、而高易退之節、其進不可使人有倖之者、倖之則效之者衆也、其退不可使人有疑之者、疑之則議之者多也、國君進賢如不得已、豈故爲是致慎者、誠念惟名與器不可假人故耳、古之君子一辭而退、豈故爲是沽名哉、誠念高爵重祿不可虛拘故耳、臣近見今陞南京戶部尚書

張某進之太驟、則有可言者焉。某歷官爲人、具先年兩科臣疏中、臣不必毛舉、以傷雅道、但念某去年猶然一撫臣耳、未幾而吏部侍郎矣、又未幾而戶部尚書矣、任方數月、崇階累級、彼豈耆德宿望、足以警服百僚、出奇畫策、足以結知明主哉、止緣本官囊橐盈溢、機知猾巧、多方鑽刺、躡躋卿貳、同儕羞與並列、善類懼其中傷、輿論未協、大負清朝、夫行速者多蹶、盛重者覆餗、人雖不言、某何如爲自

處計也、臣竊謂此一臣者、所當慎用、以杜倖
進之門者也、又難退、如禮部尚書徐某、則有
可議者焉、彼其策身之初、海宇已卜其無立
朝之節矣、已而夤緣仕途、驟登清秩、雖雕蟲
小技、足擅著作之林、而物議沸騰、難居寅亮
之職、先是山陵事回、衆皆謂其義當速退、猶
復覲顏就列、見幾明決、謂何、臣竊謂此一臣
者、所當致仕、以倡易退之風者也、慎進一某
匪獨爲某一人惜也、諸臣中冒濫如某者、僥

倖之心從茲而息矣。請退一某。匪獨爲某一
人言也。諸臣中當退如某者。高尚之志。益自
此決矣。臣又有說焉。辨官論材。當惟其品。材
誠相胥。望重朝野者。其上也。奇材宏猷。以功
能自見者。其次也。進則汶汶。退則憤憤。無所
短長之效。抑又其下矣。六七年來。奔競成風。
薰蕕雜進。一旦挽之。其勢誠難。臣竊謂耆舊
者。後進之楷範也。登崇老成。則躁進者有所
矜式矣。恬退者奔競之藥石也。獎進恬退。則

奔競者有所懲創矣。何者。耆舊如蒼松翠栢。飽歷風霜。樹之明堂之上。真足以壯大觀。恬退如處子貞婦。幽靜閒雅。置之巧媚之側。真足以消逸志。臣管見如斯。不敢不爲。

陛下陳之。願勅銓臣。少畱意焉。臣迹孤寡與。初立朝端。豈不知二臣危機不測。獨念舉直錯枉。臣之心也。亦臣之職也。終不敢以全身遠害之故。負特達之知。污諫諍之官。臣言愚顛。惟

新嘉坡
卷之四
一
陛下察之

萬曆十一年十月

日奉

聖旨吏部知道

推廣德意以澤蒼生疏

吏科

臣聞天地大德曰生。仰體天地生物之心以爲心者。帝王之所以仁覆天下也。仰體人君愛民之心以及萬民者。臣子之所以引君當道也。自古堯舜禹湯文武之爲明君。皐夔稷契之爲良佐。曷嘗不以澤被生民爲已任哉。臣於本月初九日奉

聖旨。今歲暫免行刑。欽此。維持不啻諸囚。喜若更生。白叟黃童。傳呼閭里。歌舞聖德。嵩祝聖

壽者、聲遍畿輔、臣伏思之、齊宣王不忍一牛、
孟軻惓惓開導、謂其足以王天下、何者、一念
不忍之心也。

陛下天縱聖知、豈宜王可比、萬一兩歲免刑之
心、真不忍之心所感觸也、此一不忍之心、可
爲堯舜、可爲禹湯、可建天地、可質鬼神、是在
培養擴充之耳、培養之功、實在講幄、臣無容
贅、乃所謂擴充仁術者、臣得言之、臣非創爲
之說也、卽孟軻氏所謂苟能充之、足以保四

酷吏殘民
剜心剜骨

海善推所爲之謂也。臣聞刑罰者聖王御世之具不得已而用之也。往時循良諸吏視民體膚卽已體膚視民財力卽已財力故閭里無愁嘆之聲阡陌有充盈之積。近世則不然專務刻轢其民民一被勾攝痛加箠楚有立歿杖下者孤人之子寡人之妻何吏痛而不德也。民一入公門室如懸磬有一詞而罪贖至百者。剝及宗黨株及親戚何民之無辜至此極也。

陛下於此畿內。可死之人。猶必矜而有之。矧畿外諸人。有罪不至死。者。遭此荼毒。

陛下見之。其不忍之狀。又不知將何以爲情矣。
臣願

陛下推廣德意。勅該部轉行各處有司。曉然知陛下之意。務先仁愛。以省刑。輕罰爲先。庶幾哉。囹圄空虛。而田野有餘積矣。然其弊有根。非可以朝令夕禁也。嚴刑生於重罰。重罰必至。嚴刑自近歲督責之法立。每歲解贓罰之數。

多、院司以此殿最郡邑、郡邑以此苛責細民、
刑酷則法立、法立則名高、夫不議減解贖贖
之例、而寬考成之法、雖龔黃在事、勢不能禁、
故議減解贖罰之例、是今日惠養元元急務、
先是科臣王亮言之、所當亟爲議處者也、或
者論未能遽減其額、臣竊謂廟堂寬一分之
惠、下民受一分之賜矣、然此猶非致治清濁
之源也、禹泣罪人、痛百姓二心、夫是罪人、猶
非大犯名教云爾、今歲決單中、計子弟殺父

兄者寔繁有徒、傷壞彝倫、大非細故、在昔仁
賢得一郡邑、漸民以仁、摩民以義、故其人雖
往、而流風遺俗有存者、無論程朱之於扶溝
南康、卽文翁在西蜀、亦可觀記已。近時之所
謂良有司者、一辦事之吏而已。其治在於期
會簿書、間有見稱士紳者、以流連詩酒爲高
致、談及名教事、則掩口竊笑、無惑乎風俗日
汚、犯法者衆也。漢文帝曰、訓道以純、愚民陷
焉、教未施而刑已加、朕甚憐之。董仲舒曰、移

風易俗使天下回心而嚮道類非俗吏之所
能爲也可見古之君臣未嘗不以教化爲大
務臣願

陛下推廣德意勅下該部轉行各處有司曉然
知朝廷之意務廣教化凡訟關彝倫者須痛
自躬責以移風易俗爲主使民興敬讓之美
敦仁厚之俗雖未必人人有君子之行斯民
耳目熟而良心生刑措之風庶幾可致矣不
然犯法者衆

新唐書卷之五
陸下卽不行刑。不過一歲兩歲而止。後雖有不
忍之心。終無以自遂矣。故省刑罰。務教化。誠
擴充仁術之要道也。臣惟庶民之家。子孫茂
衍。必祖先仁愛忠厚。故足以基世承之澤。則
自有天下者。又可知已。

陸下寬仁大德。同符堯舜。臣願永堅一心。無怠
於終。乘此火燃泉達之機。馴致日新富有之
盛。以幸天下。以育群生。若夫祖申商之餘知。
襲一時之小效。國家元氣。從茲而索。非臣所

敢陳於君父之前也。躬逢

陛下好生。不以擴充之說進者。是負

陛下也。避時人迂愚之誚。曲學以阿世者。是自
負所學也。臣竊恥之。用是不避狂瞽。敬獻愚
衷。惟

陛下鑒臣所言而施行之。臣不勝幸甚。

萬曆十一年十月 日奉

聖旨該部知道

附

刑部太子少保尚書潘 等爲恭覲

聖皇好生大德、懇乞天恩推廣德意、以澤蒼生
事、貴州司案呈、奉本部送刑科抄出吏科給
事中鄒元標題前事、奉

聖旨該部知道、欽此、抄出送司到部、臣等看得
鄒元標題 省刑罰、廣教化一節、爲炤刑罰
教化、二者爲治之大端、而明刑弼教、其道未
始不相成者也、我

皇上歲當審錄之期、再下停刑之詔、邇兪科臣之請、廣行矜恤之仁、蓋惟恐民生之有冤、而示天下以省刑、惟恐德意之未溥、而示天下以崇教、大哉

皇上、明德慎罰、相須並用、真足以澤蒼生而敷九有矣、乃猶阻於德意之未宜、而刑罰之未省者、豈期奉行者之未至耳、臣以爲刑之不善、非不可省也、嚴刑重罰、勢必相因、夫以科罰之多、而考成之令有以督之也、今之爲守

令者、解贖有例、積穀有數、在查盤則以此上
下其考語、在院道則以此殿最其有司、而務
爲迎合者、又爭先取足、以求獵夫賢聲、以致
詞訟日繁、箠楚日刻、比較益嚴、而手足無措、
詎知贖鍰雖積乎帑中、無辜已斃於杖下矣、
是之謂以政殺人、無重辟之擬、而灰者比比、
眞足戕好生之德、而傷天地之和、宜科臣懇
切而有請也、伏願勅下戶部、再加酌議、量減
贖額、稍寬考成、則詞訟自寡、而民不苦於誅

求勾攝自疎而刑不濫於敲朴庶乎閭里無
愁苦之聲阡陌有充盈之積矣如是而有藉
口於解贖之多復肆行夫慘刻之政者撫按
官一以酷刑之律罪之刑罰何有不省耶臣
又以爲教之不行豈真不能行耶立政有本
致治有原夫非以美德之未孚而徒以法制
令之也夷考古人有見爭奪之民而閉閣以
思過惟其以身先而不事於聲色耳今日則
士鮮羔羊之行政祖申商之餘以簿書期會

爲急務、催徵法律爲雋才、南康扶溝之政、果
可得而復觀乎、此皆繇上乖而風俗日靡、俗
汚而民行不興、無惑乎羹倫之攸斃、而罪人
之實繁、誠如是科臣之所言者、恭候命下、臣
等申飭撫按官遵行所屬、務正身以率物、崇
節儉以化民、而又實心實政、布爲條教、以
皇祖之訓俗者耳、提而命之、移風易俗、視爲已
任、一夫有異、是曰予辜、則上有好禮之教、下
多從義之民、雖未必人人盡君子之行、而法

亦不至於輕犯矣、而又有崇尚乎虛文、不先
乎身教者、撫按一以不職罪之、教化何有於
不興耶、夫刑罰所以齊民也、省刑而天下無
冤抑之民、教化所以導民也、敎行而天下皆
向善之衆、庶幾乎協和之風、追美乎刑措之
盛、

聖天子好生之意、旣淪浹於畿輔之內、而亦擴
充於四海之外、所以基億萬載之祚、而衍無
疆之休、端在是矣、

萬曆十一年 月 日奉

聖旨賦罰解部濟邊已有定例若撫按官奉公
節省何至病民着炤舊其餘依擬

耿耿之思

敬采輿論共推士品懇乞查明錄用昭雪
疏吏科

臣於本月初九日閱戶科都給事中蕭彥疏
爲薦舉邊材末因薦及數臣以爲默移世道
維持士習乞併掄擢以風天下臣三四讀未
嘗不服其卓識閱議臣最駑鈍髫年聞海內
縉紳有則古昔譚先王者輒手記心存之拊
膺衡茅冀諸臣駸駸嚮用已而覩其中道阨
塞心甚惜之承乏該科欲陳忠

陛下之日久矣。戚受止。臣多言。叢忌。臣蓄而未
言。比見蕭彥疏。論深剴。觸臣愚衷。且進退人
才。係臣職掌。臣感切不能自己。謹摭臣所覩
記者。一一爲

陛下陳之。臣所陳者。非敢謏謏然。執理學以必
天下之才也。聖門英才。何其濟濟。敎列四科。
皆足名世。故有得聖道之真傳者。有得聖道
之猷爲者。有以自守稱者。皆有功於斯道。亦
臣所不棄也。原任禮部侍郎王錫爵。望高海

以下品題
秋毫不爽
非大有心
人無此定
見

宇原任國子監祭酒孫應鰲數經薦剡無容
復贅訪得原任福建巡撫耿定向洞徹道源
力維名教以成就人才爲真修而質行式端
乎表率以康濟民生爲實學而經畫允協於
機宜原任太僕寺少卿魏時亮器宇溫粹問
學端平恬約如處子當官有不奪之操貧素
如儒生居隱有自得之味原任廣東按察使
胡直提身端介研道精深志存海宇動止必
追古人學博典墳著作可垂來禩原任雲南

叅政羅汝芳性資超脫行誼高貞惟道是慕
富貴功名不入其心逢人必誨貴賤賢否不
知其類山西叅政王時槐秉心幽靜賦器嚴
凝復性以爲志言行不詭於閒湔欲以爲功
生產不撓其慮原任苑馬寺卿顏鯨志趨高
迴識誼宏深道欲追于古人而不可以利染
行欲挺於當時而不可以威搖原任廣西副
使劉應峰秉意卓犖抱識圓融孝足以範閭
里而不忘心於聖學才足以濟埏埴而不濡

艸澤之間
於今不少

迹於權門。原任江西叅政周思敬。朴貞之性。
端介之行。志切於扶世道。諷諭不顯其迹。學
急於育人材。提撕不厭其勤。見任杭州府知
府張振之。孤潔性賦。耿介天然。學稱考亭。回
狂瀾於旣倒。治效潁川。垂恩澤於去思。建昌
府知府許孚遠。秉心端介。信道堅貞。與古爲
徒。撻不改於歲寒。視民如子。政每布乎春煦。
未仕舉人劉元卿。抱物外之志節。蘊心上之
經綸。風動一方。庶幾實踐君子。鳳翔千仞。可

謂高蹈逸民以上數臣雖觚絡不齊造詣不一要皆卓然自立非弔詭以博名高者內耿定向胡直昭代淳儒白首一心宜加顯擢以興斯文張振之許孚遠齟齬仕途廿年有餘宜加優處以起頑懦臣信其不爲

陛下負也雖然臣亦豈能必諸臣悉諧衆口哉臣知其故矣古之學者知行合一以踐履爲實地今之學者專譚性命以圓機爲妙用此學術流傳之弊其人品之不容磨滅者固自

古今之
相懸可爲
一慨

在也。古之人其望人也厚。厚必欲成人之美。
有一善者。汲引之。恐後。惟懼其身之隳也。今
之人其待人也嚴。嚴必欲揚人之過。有寸瑕
者。攻擊之無遺。惟懼其名之成也。諸臣之所
以受議。與人之所以議諸臣者。當分任其責。
可也。臣查諸臣中。如魏時亮。顏鯨。曾經考察。
拾遺。所以懲奸宄。風有位。匪欲爲奸人報復
計也。

陛下以爲此二臣者。公耶。私耶。公也。明明國典。

誰能議之。今三尺豎兒知其冤矣。傷正直之節。沮好修之心。臣切痛焉。邇年考察。臣等六七人被之矣。幸

陛下明聖。寒灰再燃。臣等顯被之而顯錮之。過幸得白。諸臣陰逆之而陰斥之。冤終難釋。此臣日夜鬱結于心。不能已于言也。芻蕘可采。伏乞勅下吏部。念人才之難得。憫幽抑之當伸。應錄用者卽爲錄用。應昭雪者卽爲昭雪。諸臣生得彈冠於朝。歿得俎豆於鄉。甚盛舉。

隨口吐出
慷慨之辭
滿紙浮動

也。以臣廢言。臣亦欲使四方聞之。天下有不
容泯之人心。廟堂有不容廢之公論。隱丘壑
者。篤志沉修。被污鱗者。矢志考槃。先達有所
恃而益勉。後進有所欣而樂從。未必非淬礪
人心之一機也。抑臣有深懼焉。臣嘗見美玉
矣。遠望之溫潤而栗。近索之不無瑕疵。臣問
之人曰。斯玉何以稱美。人教臣曰。爾以無瑕
求玉。斯天下無良玉矣。臣因悟知人之方。亦
當類此。夫不以片瑕棄玉者。斯玉無遺良也。

望諸臣勉
旃心益熱
矣

不以一青責人者斯野無遺賢也諸臣功成一實臣無負知人之明諸臣自玷晚節在臣不失爲過信之厚諸臣如自負何惟願陛下垂寬明之聽鑒狂瞽之衷在廷臣工必有知臣之所未知舉臣之所未舉接踵比翼於熙明之朝者愈出而愈奇也臣不任拳拳之至

萬曆十二年二月二十日奉

聖旨吏部知道

因事陳忠
莫善之道
非可與日
食不驗修
表稱賀者
語也

嚴加修省以答天心疏

吏科

臣聞國家將有失道之敗，天先出災眚以譴告之。又出怪異以驚懼之。不知自省，而傷敗乃至。見天心仁愛人君，無已也。恭惟我皇上仁厚性成，睿智天挺，孝奉

兩宮，則情文兼隆。恩覃萬彙，則枯槁回春。未明而衣，嚴寒而朝。臣方欲歌誦盛德，乃者本月二十二日，內庭火災，延燒慈寧宮。一時煨燼，至震驚

聖母憂勞

聖躬皆臣等奉職無狀所致罪當萬死除痛自修省外然臣等竊惟天下未有無災之國顧人君所以修德者何如耳能修德則反災爲祥不修德則禍立至而不可解臣伏讀漢儒論五行曰極陰生陽不早則火又曰君不思道厥咎災宮是則天變之興亦人事之未修歟臣謹昧死陳爲六事皆上關君德下係國是最急者惟

陛下俯賜省覽、昔人所謂事天以實不以言、應天以實不以文、臣不敢勦儒生迂腐之談、亦不敢引窒礙難行之事、儻蒙畱神、國家幸甚、臣等幸甚、

一曰係

聖躬、臣聞千金之子、坐不垂堂、誠重之也、矧陛下握符御曆、前而

祖宗之統緒、後而

神聖之國祚、皆係

陛下下一身、宜如何致慎哉、慎之云者、匪偃仰屈伸、煦吁呼吸之謂也、惟在緝熙聖學而已、先儒云、緝、繼續也、熙、光明也、有一毫間斷、非緝也、有一毫暗昧、非熙也、緝熙聖學、必先無欲、曩臣進無欲之訓、

陛下俯垂嘉納、

陛下試自修省、無欲耶、寡欲耶、詩曰、鶴鳴九臯、聲聞于天、又曰、鼓鐘于宮、聲聞于外、蓋言誠不可掩也、語云、欲人勿聞、莫若勿言、欲人勿

知莫若勿爲

陛下誠宜翻然自省矣。何者。人之血氣當壯盛之年而節省之。則易爲力。及凋耗之日而培養之。誠難爲功。

陛下今一節嗇。而千萬年長齡從此始矣。臣之於君。猶子之於親。子祝其親。必曰百年壽考。臣祝其君。必曰萬壽無疆。臣誠願

陛下寡欲以緝熙聖學。緝熙聖學以保聖躬。伏乞

聖裁、

一曰親臣工、臣聞巍巍惟天、然必下濟而後光明、故自古君臣、未有一語不通而能相與有成者、曩臣進召對之語、蒙

陛下俯垂嘉納、迄今數月、猶未舉行、此必有爲之說者曰、人君其尊如天、必尊嚴若神、始無失居尊之體、不知有尊嚴之名、有尊嚴之實、務其名而去其實、則亦非所以尊君矣、故大臣欲獻替其間、而動多掣肘者、群臣欲糾正

其間而事難上達者尊卑睽越情旨罔洽上德沮滯下情塞鬱徒牽制文移繆悠歲月而已當茲天變

陛下誠宜惕然自省每朝講後將群臣所上章奏召諸大臣一一講明如吏部職在用人其進退賢否試一詢訪戶部職在會計其出納盈縮試一稽查禮儀之隆殺邊報之虛實刑獄之出入工作之興廢務根極源委揚權利弊有獻可而不以爲同有替否而不以爲矯

要共成一代和衷之美而已。先是臺臣楊四知所上三錄召對其一聞

陛下畱神省覽此正

祖宗時故事所宜率祖攸行以親臣工伏乞聖裁

一曰開言路臣聞言路通塞係世道之興廢自古端人鉅士立朝惟惓惓以開言路爲請彼誠見理亂從茲而出故也始臣等或起廢獻畝或起身行伍海內喁喁想望太平乃未

真誠懇惻
可達神明

經數月。以言事落職者五人。方取之而遽斥之。方起之而遽譴之。載之史冊。傳之後世。可爲寒心。雖其所言不無過當。然亦非全軀保身者比。使謀國之臣。居全軀者之右。人雖至愚。必不尙以身爲犧牲矣。臣往讀畱都科臣疏云。士氣之屈者。蓋已十年。今幸得伸。言路之塞者。蓋已十年。今幸得開。不覺懽然。旋開而塞。旋伸而屈。則宜忠憤之士。扼腕而譟而闇暗之狀。難於畢達也。當茲天變。

陛下宜廓虛受之量、下求言之詔、庶幾忠謨嘉猷、盡忠而獻闕下者、濟濟無窮矣、然欲下求言之詔、則莫若以五官爲之招、或復原職、或授京秩、增朝端正直之風、助臣工敢言之氣、此曠古之盛事、而諸臣之所翹企也、伏乞

聖裁、

一曰諭百官臣聞書曰、先王克謹天戒、臣人克有常憲、百官修輔、厥后惟明明、天心示儆、明君固當恐懼修省、臣子亦安能晏然無所

小人情狀
比比如是

事事哉。古人立朝。不苟焉。以求同。惟蹇蹇以
謀國。今有大謬不然者。則脂韋風熾。而奔競
之習成也。立譚間以遊戲徵逐爲本業。以流
連詩酒爲高致。回視古人。何啻霄壤。臣請卽
近時人心爲

陛下鏡之。如議減官一事。昔言可。減。今言可。不。曾
矣。如處言官一事。昔言可。歟。今言可。恤矣。如
處故相一事。昔稱伊呂。今異類唾之矣。昔稱
恩師。今讐敵視之矣。一人之身。前後背馳。爲

鬼爲蜮。不可測度。猶且悠悠策馬。迹遍公卿。以軟熟爲工。以謀國爲迂。有臣如此。國奚賴焉。臣願

陛下勅百官洗濯乃心。如大臣須務立朝之節。小臣須敦廉靜之風。各恭厥職。無論唐虞三代。卽如弘正間。風俗淳朴。亦可覩記矣。夫國運之隆替。係士風之邪正。士風之邪正。係國家之振作。臣誠願

陛下諭百官以懲薄習。伏乞

聖裁

一曰節財用、臣聞國家資財用、猶人資食以生、民無食則死、國無財則匱、

陛下躬先浣濯、仰追

列祖、臣猶有說焉、臣覩庶民之家、有百金之積者、歲支十金、不過十年而止、歲支百金、不過一年而止、善蓄積者、以一年爲百歲之計、今大司農告匱矣、如明年恢復

慈宮、鼎建山陵、大役並興、動需不貲、取之西北

西北飢荒聞者酸鼻取之東南東南水旱見者寒心非大爲樽節膏脂易竭臣懼難繼矣江西燒造無益實用者止之可也蘇松織造非係緊急者停之可也其他不急之興作無名之賞賜盡爲禁止以彰儉德至明也以培國脈至仁也若不大加損益其間雖桑孔復出不能持籌而算矣易曰節以制度不傷財不害民節用一語誠今日經國者急務伏乞

聖裁

一曰拔幽抑、臣聞民含陰陽之氣，常與天地相爲流通。民心和順，則天地之和順應之。民心乖戾，則天地之乖戾亦應之。言民能以氣上千，故也。匹婦含冤，三年大旱，一夫呼天，六月飛霜。今鳳陽高墻所禁宗室罪人，不知凡幾矣。註誤致譴，其苦可矜也。

陛下臨御，屢下寬刑之詔，遠方凶豎猶蒙貸宥，況以皇室懿親，忍使之羈囚而就死乎。今後宮所積宮人，不知凡幾矣。繇壯而老者，其情

可矜也。

陛下臨御、屢布寬仁之條、艸木羣生、皆能自樂、況內庭幽婦、忍使之孤、筑以終身乎。夫生生而不已者、天地之所以爲大德也。一物惟恐傷人者、人君之所以爲至仁也。臣願

陛下沛然降德音、勅有司、於宗室、審其罪有可原者、盡行疎放、於宮人、酌其年力已壯者、量爲釋放、天心有不克順、嘉貺有不薦臻者、未之信也、伏乞

聖裁、

萬曆十二年正月二十七日奉

聖旨言官建白須審識大體和婉敬慎豈可任
臆妄言鄒元標故以災變爲言內多疑君怨
上本當拿問重處姑以言官着降一級調用
該衙門知道

恭陳下悃懇乞改南疏

南兵部主事

臣于五月二十日接到邸報、蒙聖恩調臣吏部驗封司主事、自兵而吏、自南而北、依至尊而近日月矣、臣之遭逢、可不謂極隆盛際哉、臣望闕叩頭祝謝外、念臣有烏鳥私情、不容不瀝陳君父之前者、惟

陛下垂聽焉、臣母羅氏、春秋六十七矣、往臣戍都勻時、臣母及臣兄與姊三人者、更相爲命也、自臣起家、將母北征、臣母身雖同臣行、而

芻蕘介公考詢

心常鬱鬱不樂、問其故、則兄姊睽違、無論交
懽膝下、卽通一平安字、隔數月始達、甲申春
奉母南行、臣母顏色始爲開霽、昕夕始加匕
箸、問其故、則家山伊邇、音問易通、臣兄欲省
侍、不半月而到、邇復聞移官之報、臣母教臣
曰、子職言責、不殫乃心力、通達國體、務存渾
厚、我以子不才、終拓落明世、

皇上在宥、三月內兩移官焉、是雨露之恩、不擇
枯朽、日月之明、無間窮鄙、爾速俶裝、謹爾言、

敘母之言
告君臣心
自露

慎爾行。無以我故而持二心。願爾爲良臣。歸
與爾兄食貧。吾寧也。臣聞其言。五內如絲。夫
臣與母。方脫別離之苦。得沾祿養之榮。乃遽
隻身就道。昔人謂報國日長之義。謂何。而忍
心絕裾也。又臣聞盡臣事君。有致身。有修身。
鞠躬盡瘁。展采錯事。是曰致身。收歛退藏。素
位而行。是曰修身。易曰。君子安其身而後動。
則修身者實所以致身也。仁君御臣。有用之
用。有不用之用。優之清華之秩。置之掄材之

軻詞之曲
而意之愜

鄒忠介公奏疏

地是用之用也。需之歲月以老其才。處之閒寂以堅其守。是不用之用也。用之用者。憐其往不用之用者。與其進。臣自束髮。有志問學。遐荒六載。孤陋無似。往在都門。一時仁賢彙集。臣欲朝夕請益。時叨言路。非阻於形迹之疑畏。則迫于應酬之鞅掌。近在金陵。職閒事簡。時或杜門埽軌。或就正有道。方欲痛自刻勵。消融其燥心。而祛除其褊性。若復移今官形迹之疑畏。猶昔也。職事之鞅掌。猶昔也。臣

身日惰。臣學日損。

陛下卽欲用臣。臣出之無本。祇見其易窮矣。且官無南北。職無揀擇。臣充一守。道之心。南之職。方皆自效之地。充一守。官之心。北之驗。封無止息之期。臣于榮辱進退之間。籌之熟矣。或有勸臣者曰。臣所調者。掄材之地也。默助一正人。則朝端生色。陰扶一善類。則蒼赤蒙福。惡用是謗謫爲哉。臣竊謂不然。語云。已立而後立人。已達而後達人。臣才不通方。學未

適時遽欲以立人達人。是今適越而昔至也。必無是矣。實用敢哀鳴。

陛下伏望鑒臣母子之情。念臣犬馬之衷。非繇矯飾。勅下吏部。仍照改南事例。俾臣得淬礪一官。臣敢不精白乃心。以圖報塞哉。先臣陳獻章云。上有至仁之君。則下多曲成之士。臣不勝惓惓俟命之至。

萬曆十三年七月二十五日奉

聖旨鄒元標不准改南吏部知道

開口就來
不顧諱忌

藥石語

爲吏部堂上應詔陳言疏

時吏部主事

臣等仰承明問、誼不敢虛、事關職掌、諸臣亦
旣談之詳矣、敬陳書生腐談、開坐上請、倘蒙
兪允、伏乞勅下該部、着實舉行、生民幸甚、臣
愚幸甚、

一養君心、先正云、親宦官宮妾之時少、接賢
士大夫之日多、此善養心者格言也、今聞
陛下後宮有專房之寵、十俊有燕游之好、不但
親宦官宮妾已也、寵盛必貽憂、宗社狎甚必

與聞國政。我朝遠過前代。萬無內政一事。惟是正德間有八黨之稱。今有十俊之號。其漸不可長矣。伏望

陛下割衽席之愛。嚴便嬖之禁。斯左右前後罔非正人。而社稷靈長之慶。亦永永有托矣。伏乞

聖裁。

二辯政體。夫政體大端。不過用入行政而已。然所以事得其理。而人得其職者。則公論其

工鍊而精
深自是老
成口氣

人觀大本
事必慮終
識高千古

本也。此一人也。胡乍而忠，又乍而佞。此一事也。胡乍而興，又乍而革。通者攻擊，玉石莫辨。真同炎火，水田一事。刻印銷印，何異兒戲。伏乞勅下諸臣一時之權力，有限百年之清議。無窮少年之意見，未練國家之大體。當惜論一人也。先觀其大本，大本既立，餘皆可恕。建一事也。先惟其終始之不慎，後將何觀。此最今日時政急務也。伏乞

聖裁

痛切時弊

三清錢糧、今之言理財者、家家桑孔、持籌握
筭、更無餘策、竊謂不越節儉二字、夫所謂節
儉、非漫言也、如織造燒造、已奉明旨、量爲蠲
減矣。惟是內府供應、百孔千瘡、射東指西、神
輸鬼役。如各監各局、各司各庫、歲派本色折
色、太僕寺馬價、光祿寺供應、豈皆實數、往往
內臣侵剋、削求、私充囊橐、以小民脂膏、供埽
除之奢侈。臣切惜之。伏望

陛下詔各監各局等衙門、被濯乃心、以承德意、

邊鎮金錢
仍是趨奉
內臣費却
何不言之

并望委科道部屬素有風力各一員與內臣
詳爲剔刷如各項每年入若干實用若干剩
若干刻成一書冊頒有新命永不許加增庶
國用有經而財無冗費是經國最急務也至
于邊鎮錢糧每年豈無冒破內臣既有清楚
文臣獨無良心其清查自易易矣伏乞

聖裁

四滌蠹根今民蠹不越查盤訪察二事往往
言之屢矣然言者不已而行者不休則曷茲

信
真聖人之

哉。計各處撫按衙門，每年贓罰一十七萬七千七百兩，大半從查盤訪察而盈其數。今欲并查盤息訪察，在先減贓罰。贓罰數減，查盤自清。訪察自息，治病不求其根病，將復發矣。伏乞

聖裁。

後戶部侍郎宋纁言之。減贖金數萬。前在省中亦言及此。以與當路相阻。故中格不行。

五籌客兵。今天下非四夷之患，而客兵之患如雲南莽苗。雖未知平否，臣恐莽苗平而客

兵亂何者、雲南所出、不足以供客兵之十一、各府運米至永昌、每石費銀三兩、米珠薪桂、勢將必至、嗷嗷號咷、職爲亂階、伏乞勅下雲南撫按諸臣、客兵今日而聚、他日如何而散、至如貴州十一年、巡撫副都御史劉庠奏添紅兵一千、廣東廣西冗兵猶甚、此所謂養虎自遺患也、且時借南京戶部銀兩、協濟雲南、亦非事體、

祖宗以南京根本重地、常使藏銀有餘、以待不

真可痛恨

時之需。雲南有事。移動戶部銀兩。萬一南京有事。胡以應之。此不可不爲之長慮也。伏乞聖裁。萬曆十七年姚兵果亂提問總兵郭子龍調按察使姜忻

六禁騷擾。炤得郵傳騷擾。在在皆然。則莫如南京馬快船爲甚。其進貢上供各色一船可載也。動以數船計。裝載客貨。脫逃抽分。其一船夫可三十名也。動以百名計。折乾凌轢。不勝苦楚。凡所經過處。官吏聞風而避。閭巷蕭然一空。殊可痛恨。夫馬快船之絡繹江河。亦

知

祖宗慮變生不測。意深遠也。但國以民爲本。民得其所。變將何生。民而流離。卽有舟楫。將復何之。合無勅下南京兵部。會同都察院。從長計議。每年進貢船隻。該百船。減半其數。仍差一風力御史。護送至灣。以免沿途騷擾。則上不病國。下不病民。兩得之矣。內官雖驕悍。然奉承言官。乃其素性。此禁騷擾之一端也。伏乞

鄒忠介公奏疏卷之一

聖裁

後太僕卿魏時亮言之已南京兵侍言之
卒未有堅行者以事關中常侍故也已兵
侍顧章志言之弊稍清矣

鄒忠介公奏疏卷之一

終